

UNIVERZITET U SARAJEVU –  
FAKULTET POLITIČKIH NAUKA

PARLAMENT FEDERACIJE BOSNE I HERCEGOVINE  
PREDSTAVNIČKI/ZASTUPNIČKI DOM

## **PLAN SARADNJE**

### **O UVJETIMA I NAČINU OBAVLJANJA STUDENTSKE PRAKSE**

**između**

**PREDSTAVNIČKOG/ZASTUPNIČKOG DOMA PARLAMENTA  
FEDERACIJE BOSNE I HERCEGOVINE**

**i**

**UNIVERZITETA U SARAJEVU – FAKULTETA POLITIČKIH NAUKA**

**Sarajevo, februar 2024. godine**

## **PLAN SARADNJE O UVJETIMA I NAČINU OBAVLJANJA STUDENTSKE PRAKSE**

Zaključen između:

**Predstavničkog/Zastupničkog doma Parlamenta Federacije Bosne i Hercegovine** (u daljem tekstu: Predstavnički dom) sa sjedištem u Sarajevu, u ulici Hamdije Kreševljakovića 3, kojeg zastupa sekretar/tajnik gosp. Ivan Miličević.

i

**Univerziteta u Sarajevu – Fakulteta političkih nauka** (u daljem tekstu: Fakultet političkih nauka) sa sjedištem u Sarajevu, u ulici Skenderija 72, kojeg zastupa dekan Fakulteta političkih nauka prof.dr. Sead Turčalo.

### **UVODNE ODREDBE**

#### **Član 1. (Predmet i cilj Plana saradnje)**

Ovaj plan za cilj ima uspostavljanje saradnje i utvrđivanje uvjeta za obavljanje studentske prakse studenata Fakulteta političkih nauka u Predstavničkom domu, kao i izvješćivanje o obavljenoj studentskoj praksi.

#### **Član 2. (Definicija pojma)**

Pod studentskom praksom podrazumijeva se praktični rad studenata, bez naknade, a radi sticanja praktičnog znanja i primjene stečenog znanja sa studija u praksi.

### **PLANIRANJE I OBAVLJANJE STUDENTSKE PRAKSE**

#### **Član 3. (Planiranje i trajanje studentske prakse)**

Studentska praksa se realizira u ljetnom semestru u tri termina u trajanju od mjesec dana ili četiri sedmice, u periodu 15. mart – 15. juni, te u zimskom semestru u tri termina u trajanju od mjesec dana ili četiri sedmice, u periodu 15. oktobar – 15. januar.

Studentska praksa traje četiri sedmice, a studenti na praksi provode 20 sati sedmično, u definiranim i usaglašenim terminima kada nemaju planiranu nastavu, ukupno 80 sati mjesečno (što odgovara vrijednosti 3 ECTS kredita).

Studenti obavljaju studentsku praksu u radne dane Predstavničkog doma.

Studentsku praksu za početak bi obavljalo 5 (slovima: pet) studenata Fakulteta političkih nauka sa završnih godina I i II ciklusa studija na mjesečnom nivou.

**Član 4.**  
**(Voditelj studentske prakse)**

Studenti obavljaju studentsku praksu uz nadzor voditelja studentske prakse kojeg imenuje rukovodilac Predstavničkog doma.

Voditelj studentske prakse održava kontakt sa mentorom, a po potrebi i sa Službom za nastavu i studentska pitanja Fakulteta političkih nauka, i prati obavljanje studentske prakse sukladno Planu saradnje.

**Član 5.**  
**(Obaveze studenata)**

Student je obavezan obavljati praksu na način kako je to utvrđeno planom saradnje i u saradnji sa voditeljem studentske prakse.

U tijeku obavljanja studentske prakse student je obavezan poštivati propisane radne i sigurnosne mjere Predstavničkog doma.

Student koji se ne pridržava propisanih mjera zaštite na radu, radne discipline i sigurnosnih mjera će biti udaljen sa studentske prakse.

Predstavnički dom obavezan je o tome izvijestiti Fakultet političkih nauka.

**Član 6.**  
**(Potvrda o obavljenoj studentskoj praksi)**

Nakon obavljene studentske prakse Predstavnički dom izdaje potvrdu/certifikat o obavljenoj studentskoj praksi.

**IZVJEŠTAJ O OBAVLJENOJ STUDENTSKOJ PRAKSI**

**Član 7.**  
**(Izveštaj o obavljenoj studentskoj praksi)**

Izveštaj o obavljenoj studentskoj praksi sačinjava i potpisuje voditelj studentske prakse.

Izveštaj obavezno sadrži podatke: ime i prezime studenta, naziv visokoškolske ustanove, poslove na kojima je obavljao studentsku praksu, uspješnost i komentar voditelja studentske prakse.

Izveštaj po obavljenoj studentskoj praksi Predstavnički dom dostavlja Fakultetu političkih nauka i Federalnom ministarstvu obrazovanja i nauke.

## ZAVRŠENE ODREDBE


### Član 8. (Stupanje na snagu)

Svaka strana potpisnica Plana saradnje u pisanom obliku može predložiti drugom potpisniku izmjenu, dopunu ili raskid ovog Plana saradnje.

Plan saradnje stupa na snagu nakon što ga potpišu ugovorne strane i vrijedi dok jedna od strana ugovornica ne zatraži njegov raskid.

Ovaj Plan saradnje potpisan je u 4 (četiri) istovjetna primjerka, gdje svaka ugovorna strana zadržava po dva primjerka.

**SEKRETAR/TAJNIK PREDSTAVNIČKOG/ZASTUPNIČKOG DOMA PARLAMENTA  
FEDERACIJE BOSNE I HERCEGOVINE**



**DEKAN UNIVERZITETA U SARAJEVU – FAKULTETA POLITIČKIH NAUKA**

prof. dr. Sead Turcalo

Broj: 3-422-1/24

Datum: 27.02.2024

